

BOSNA I HERCEGOVINA FEDERACIJA BOSNE I HERCEGOVINE FEDERALNA UPRAVA ZA INSPEKCIJSKE POSLOVE	BOSNIA AND HERZEGOVINA FEDERATION OF BOSNIA AND HERZEGOVINA FEDERAL DEPARTMENT FOR INSPECTION AFFAIRS	БОСНА И ХЕРЦЕГОВИНА ФЕДЕРАЦИЈА БОСНЕ И ХЕРЦЕГОВИНЕ ФЕДЕРАЛНА УПРАВА ЗА ИНСПЕКЦИЈСКЕ ПОСЛОВЕ
Fehima efendije Čurčića br.6, 71000 Sarajevo		Id broj: 4201159630005

Broj: 01-05-6-05733/2015

Sarajevo, 06.01.2016. godine

Na osnovu čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja Preporuke Komisije za javne nabavke broj 01-05-6-05733/2015 od 06.01.2016. godine, Direktor Federalne uprave za inspeksijske poslove u ime ugovornog organa, d o n o s i

## O D L U K U

**o dodjeli ugovora o nabavci usluga- Registracija i tehnički pregled službenih vozila Federalne uprave za inspeksijske poslove**

### I

Ugovor o nabavci usluga – registracija i tehnički pregled službenih vozila Federalne uprave za inspeksijske poslove, po provedenom postupku konkurentskog zahtjeva za dostavu ponuda, dodjeljuje se ponuđaču „Centrotrans-Eurolines“ d.d. Sarajevo.

Ugovor sa ponuđačem „Centrotrans-Eurolines“ d.d. Sarajevo, zaključit će se pod slijedećim uslovima:

- Ukupna cijena ponude 7.721,64 KM bez uračunatog PDV-a,
- Nabavka pojedinačnih usluga će se vršiti sukcesivno u skladu sa potrebama Ugovornog organa,
- Ugovor će se zaključiti na period od 1/jedna/ godine od dana zaključivanja istog,
- Rok plaćanja je 30/trideset/ dana od dana prijema mjesečne fakture na protokol Ugovornog organa.

### II

U skladu sa članom 45. Zakona o javnim nabavkama BiH, Ponuđač „Centrotrans-Eurolines“ d.d. Sarajevo je dužan ugovornom organu u roku od 5 (pet) dana od dana prijema ove odluke dostaviti dokaze izdate od strane nadležnih organa, kojim potvrđuje slijedeće činjenice:

- Uvjerenje nadležnog suda kojim dokazuje da u krivičnom postupku nije izrečena pravomoćna presuda kojom je osuđen za krivično djelo učešća u kriminalnoj organizaciji, za korupciju prevaru ili pranje novca,
- Uvjerenja nadležnih institucija kojim se potvrđuje da je izmirio dospelje obaveze, a koje se odnose na doprinose za penziona i invalidsko osiguranje i zdravstveno osiguranje
- Uvjerenje nadležnih institucija da je izmirio dospelje obaveze u vezi sa plaćanjem direktnih i indirektnih poreza.

Dostavljeni dokumenti iz prethodnog stava ovog člana moraju biti originali ili ovjerene kopije i ne mogu biti stariji od 3 (tri) mjeseca.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

### III

Po okončanju žalbenog roka ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

### IV

Ova odluka će se objaviti na web stranici Federalne uprave za inspeksijske poslove.

## Obrazloženje

Direktor Federalne uprave za inspekcijske poslove je svojom odlukom broj 01-05-6-05733/2015 od 26.11.2015. godine pokrenuo postupak javne nabavke usluga –registracija i tehnički pregled službenih vozila Federalne uprave za inspekcijske poslove, te je ugovorni organ dana 14.12.2015. godine godine na portalu javnih nabavki objavio obavještenje o nabavci broj 1292-7-2-11-3-9/15.

Komisija za javne nabavke ugovornog organa je dana 30.12.2015. godine izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-05-6-05733/2015 koji je neposredno uručen predstavnicima ponuđača koji su prisustvovali javnom otvaranju, a ostalim ponuđačima je otpremljen odmah putem pošte. U postupku su blagovremeno svoje ponude dostavili ponuđači „Osing“ d.o.o. Sarajevo, „AC Quatro“ d.o.o. Sarajevo, „Bihamk-tehnički pregled i servisi“ d.o.o. Ilidža, „Regos tim“ d.o.o. Sarajevo, „Autocentar BH“ d.o.o. Sarajevo, „Centrotrans-Eurolines“ d.d. Sarajevo.

Dana 06.01.2016. godine komisija je provela postupak utvrđivanja formalno pravnih uslova za učestvovanje u postupku javne nabavke, te je tom prilikom konstatovala da su svi ponuđači dostavili dokumentaciju traženu tenderskom dokumentacijom, odnosno da ne postoje razlozi za odbacivanje ponude bilo kojeg od ponuđača.

U izvještaju komisije datom u aktu broj 01-05-6-05733/2015 godine od 06.01.2016. godine je dat pregled prihvatljivih ponuda sa ponuđenim cijenama, , kako slijedi:

1. „Osing“ d.o.o. Sarajevo, ukupna cijena ponude bez PDV-a 8.636,25KM
2. „AC Quatro“ d.o.o. Sarajevo, ukupna cijena ponude bez PDV-a 8.654,57 KM
3. „Bihamk-tehnički pregled i servisi“ d.o.o. Ilidža, ukupna cijena ponude bez PDV-a 9.039,95 KM
4. Regos tim“ d.o.o. Sarajevo, ukupna cijena ponude bez PDV-a 9.977,79 KM
5. Autocentar BH“ d.o.o. Sarajevo, ukupna cijena ponude bez PDV-a 8.768,04 KM
6. „Centrotrans-Eurolines“ d.d. Sarajevo, ukupna cijena ponude bez PDV-a 7.721,64 KM

U skladu sa kriterijem „NAJNIŽA CIJENA“ komisija je konstatovala da je ponuda ponuđača „Centrotrans-Eurolines“ d.d. Sarajevo, najpovoljnija sa ukupnom ponuđenom cijenom bez PDV-a 7.721,64KM, te je u skladu sa navedenim predložila Direktor udrave da u ime ugovornog organa donese odluku kojom će ugovor o nabavci predmetnih roba dodijeliti navedenom ponuđaču.

Kako je članom 45. stav (1) Zakona o javnim nabavkama propisano da je ugovorni organ dužan odbaciti zahtjev za učešće ili ponudu onog ponuđača koji ima smetnje propisane u tačkama a) do d) istog stava, članom II ove odluke je utvrđena obaveza za izabranog ponuđača da u roku od 5 (pet) dana od dana prijema odluke dostavi dokumentaciju izdatu od strane organa koji vode takve evidencije.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



Dostaviti:

1. „Osing“ d.o.o. Sarajevo, Čobanija 14, 71000 Sarajevo
2. „AC Quatro“ d.o.o. Sarajevo, ukupna cijena ponude bez PDV-a 8.654,57 KM
3. „Bihamk-tehnički pregled i servisi“ d.o.o. Ilidža, Blažujski drum 78, 71210 Ilidža
4. „Regos tim“ d.o.o. Sarajevo, Trg međunarodnog prijateljstva 20, 71000 Sarajevo
5. Autocentar BH“ d.o.o. Sarajevo, Grbavička 14C, 71000 Sarajevo
6. „Centrotrans-Eurolines“ d.d. Sarajevo, Kurta Schorka 14, 71000 Sarajevo
7. Sektor za materijalno-finansijske i tehničke poslove
8. Sektor za tehničku podršku i plansko- analitičke poslove
9. Komisija za javne nabavke (a/a)

Na osnovu člana 88. i člana 89. Zakona o javnim nabavkama Bosne i Hercegovine („Službeni glasnik BiH“, broj 39/14) i Odluke o dodjeli ugovora direktora Federalne Uprave za inspeksijske poslove broj: 01-05-6-05733/2015 od 06.01.2016. godine, a nakon provedenog postupka konkurentskog zahtjeva za dostavu ponuda za koji je dana 14.12.2015. godine na Portalu javnih nabavki BiH objavljeno obavještenje o javnoj nabavci broj 1292-7-2-11-3-9/15, zaključuje se, :

## **UGOVOR** **o nabavci usluga registracije i tehničkog pregleda službenih vozila** **Federalne uprave za inspeksijske poslove**

Zaključen u Sarajevu, između ugovornih strana:

1. **Federalna uprava za inspeksijske poslove**, Fehima ef. Čurčića 6, 71000 Sarajevo, ID broj: 4201159630005, koju zastupa Anis Ajdinović direktor, u svojstvu NARUČIOCA sa jedne strane,
2. **„Centrotrans-Eurolines“ d.d. Sarajevo**, Kurta Schorka broj 14, Sarajevo, ID broj 4200153220003, kojeg zastupa generalni direktor Čengić Safudin, u svojstvu IZVRŠIOCA sa druge strane.

Ugovorne strane su se sporazumjele o sljedećem:

### **I PREDMET UGOVORA, CIJENA I VRIJEME TRAJANJA UGOVORA**

#### **Član 1.**

Predmet ovog Ugovora su usluge registracije i tehničkog pregleda motornih vozila u skladu sa ponudom IZVRŠIOCA broj 1/15494/2015 od 29.12.2015. godine, sa svim elementima kao u ponuđenoj specifikaciji tenderske dokumentacije Aneks 2., koja čini sastavni dio ovog Ugovora.

#### **Član 2.**

Vrijednost ovog Ugovora u skladu sa, od strane IZVRŠIOCA datoj i od strane NARUČIOCA prihvaćenoj ponudi iznosi

**7.721,64 KM**

**slovima: (sedamhiljadaosamstotinadvadesetjednui64/100KM)**

NARUČILAC će naručivati usluge iz člana 1. ovog Ugovora sukcesivno i po potrebi, a IZVRŠILAC će izvršavati usluge registracije i tehničkog pregleda službenih vozila NARUČIOCA sukcesivno po isteku važenja registracije službenih vozila NARUČIOCA, po cijenama ponuđenim u Aneksu 2 Tenderske dokumentacije. Cijene usluga registracije i tehničkog pregleda date u Aneksu 2 Tenderske dokumentacije, koji je sastavni dio ponude IZVRŠIOCA su nepromjenjive u toku trajanja Ugovornog perioda.

#### **Član 3.**

Ovaj ugovor se zaključuje na period od 1 (jedne) godine od dana njegovog potpisivanja od ugovornih strana.

### **II NAČIN PLAĆANJA**

#### **Član 4.**

NARUČILAC će izvršiti uplatu ispostavljenih faktura u roku od 30 (trideset) dana od dana prijema fakture na svoj protokol u sjedištu u ulici Fehima ef. Čurčića broj 6 u Sarajevu.



### III OBAVEZE NARUČIOCA

#### Član 5.

NARUČILAC će dostaviti propisno popunjenu i ovjerenu Narudžbu IZVRŠIOCU i to mjesečno po ispostavljenj fakturi IZVRŠIOCA, za usluge koje su obavljene u toku prethodnog mjeseca.

#### Član 6.

NARUČILAC se obavezuje da će primljenu fakturu za naručene i obavljene usluge u toku mjeseca, platiti prema uslovima i rokovima navedenim u članu 4.  
NARUČILAC se obavezuje da će odrediti kontakt osobu za realizaciju nabavke usluga koje su predmet ovog ugovora.

### IV OBAVEZE IZVRŠIOCA

#### Član 7.

IZVRŠILAC će obavljati sukcesivno usluge koje su predmet ovog Ugovora prema specifikacijama navedenim u članu 1 i to na svojoj stanici tehničkog pregleda koja se nalazi u Sarajevu, u ulici Kurta Schorka broj 14.

IZVRŠILAC će odrediti kontakt osobu za realizaciju naručenih usluga od strane NARUČIOCA .

#### Član 8.

IZVRŠILAC se obavezuje da će odmah po prijemu motornog vozila na stanici tehničkog pregleda od strane NARUČIOCA obaviti usluge u skladu sa ponudom iz člana 1. ovog Ugovora.

### V ZAVRŠNE ODREDBE

#### Član 9.

Na sva pitanja koja nisu regulisana ovim Ugovorom, primjenjivat će se odredbe Zakona o obligacionim odnosima BiH.

#### Član 10.

Izmjene i dopune ovog Ugovora mogu se vršiti isključivo u pisanoj formi.  
Izmjene i dopune ovog Ugovora važit će samo ako su potpisane od strane opunomoćenih predstavnika ugovornih strana.

#### Član 11.

Ovaj ugovor je sastavljen u 4 (četiri) jednaka primjerka, od kojih svaka ugovorna strana zadržava po 2 (dva) primjerka.

#### Član 12.

Svi eventualni sporovi po ovom Ugovoru rješavaće se sporazumno, a u suprotnom za rješavanje sporova nadležan je stvarno nadležan sud u Sarajevu.

Za NARUČIOCA  
Direktor

Mr. Anis Ajdinović

Za IZVRŠIOCA  
Direktor

Mr. se. Safudin Čengić

Broj: 01-05-6-05733/2015  
Datum: 27.01.2016. godine

Broj: 9/1085/16  
Datum: 28.01.2016.

